

ՀԱՆՈՐԴՈՒՄՆԵՐ ԵՎ ՆԿԱՏՈՂՈՒԹՅՈՒՆՆԵՐ СООБЩЕНИЯ И ЗАМЕТКИ

ԲԱՐՁՐ ՀԱՅԲԻ ԺՈՂՈՎՐԴԱԿԱՆ ՏԱՐԱՁՐ XIX ԴԱՐՈՒՄ ԵՎ XX ԴԱՐԻ ՍԿԶԵԻՆ

Ն. Ք. ԱՎԱԳՅԱՆ

Բարձր Հայքի տարազը, հատկապես կանանց զգեստը, աչքի է ընկնում իր ազդային ինքնատիպությամբ, շքեղությամբ, կտորի տեսակի, գույների համադրության յուրօրինակությամբ: Ամենօրյա՝ «օրգավուրի» և տոնական կամ հարսանեկան՝ «դրսնավուր», տարազը ուներ միատեսակ ձևվածք. դրանց տարբերությունը կտորի տեսակի և շքեղ կամ սովորական դարդարանքի մեջ էր:

Գոյություն ուներ կանանց զգեստի մի ամբողջություն, որը կոչվում էր «հայկական շոր» կամ «հայոց շոր»: Այն բաղկացած էր սպիտակեղենից, ներքնազգեստից, վերնազգեստից, գոլնոցից, կրծկալից, վերարկուից, գլխի հարդարանքից և ոտնամաններից: Կար աղջիկների տարազի երկու տեսակ. առաջինը կրում էին մինչև 18—20 տարեկանները, իսկ երկրորդը՝ ավելի մեծերը: Վերջինս նույնն էր, ինչ ամուսնացած կանանցը, միայն բացակայում էին գոգնոցն ու գլխի հարդարանքի որոշ մասերը:

Արևելյան Հայաստանը Ռուսաստանին միացվելուց հետո կազմակերպված գաղթի (1829—1831 թթ.) հետևանքով Բարձր Հայքի տարազը 90.000 հայ գաղթականների հետ միասին տարածվեց նրանց նոր բնակության վայրերում՝ Շիրակի, Ախալցխայի, Զավախքի, Ծալկայի շրջաններում: Միայն Ախալցխայում բնակություն հաստատեցին Կարինից և նրա շրջակա գյուղերից գաղթած 6000 ընտանիք և 67 ընտանիք էլ Արդահանից²:

Բարձր Հայքը, իր կենսորոնր հանդիսացող Կարին քաղաքով առևտրական հինգ մեծ ճանապարհներով կապված էր շրջակա և հեռավոր երկրների հետ: Կարինում կար միջազգային մեծ շուկա, ուր վաճառվում էին թե՛ ռուսական, թե՛ եվրոպական ապրանքներ: Քաղաքի բնակչությունը զբաղվում էր գերազանցապես արհեստներով և առևտրով: Տրապիզոնի, Բաթումի և Կարինի միջով անցնող առևտրական մեկ այլ ճանապարհով եվրոպական տրանզիտը ուղարկվում էր Իրան: Կարինից Ախալցխա էին բերվում մորթի (աղվեսի, կզաքիսի), թուրքական կտորեղեն, եվրոպական բամբակյա կտորներ և այլն: Ախալցխայից Կարին էին տանում մետաքսյա տրեզ, որով զարդարում էին զգեստի մասերը, ոսկյա ժապավեն-բավթա, ռուսական քաթան, պարուսին³ և այլն:

¹ X. A. Вермисhev, Экономический быт государственных крестьян в Ахалцихском и Ахалкалакском уездах Тифлисской губернии, «Материалы для изучения экономического быта государственных крестьян Закавказского края», Тифлис, 1886, т. III, ч. II, էջ 18—19:

² Կ. Գ. Ղաֆադարյան, Նյութեր Ախալցխայի հայ համայնքի մասին, «Պատմա-բանասիրական հանդես», 1961, № 1, էջ 120:

³ Л. Загурской, Поездка в Ахалцихский уезд в 1872 г., Тифлис, 1873, էջ 30:

Կարինում տարածված արհեստներից էին ոսկերչությունը, դերձակությունը, կոշկակարությունը, պղնձադործությունը, զինադործությունը: Կովկաս ղաղթող քաղաքաբնակներն էլ գլխավորապես արհեստավորներն էին, որոնց շնորհիվ նոր բնակության վայրերում զգալի դարգացման են հասնում ոսկերչությունը, հատկապես զուգաթելի աշխատանքը, զլխաշոր-յաղմաշի, տրեղի արտադրանքը, ժանյակադործությունը, որով զարդարում էին գլխի հարդարանքի մասերը: Կարնո հայերն իրենց հետ Հայաստանի ռուսական մասը բերեցին նյութական մշակույթի և կենցաղի բազմադարյան ավանդները՝ աշխատանքային գործիքներից սկսած ընդհուպ մինչև շինարարական տեխնիկան: Գաղթի հետ մեկտեղ տարածված զգեստը երկար ժամանակ պահպանվեց նոր բնակավայրերում: Բուն նահանգից բացի զգեստի տարբերակները կային նաև Կարսում, Բագրևանդում, Արդահանում, Արդվինում, Խոտրջրում:

Կանանց տարազի մեջ դործածական էր վերնազգեստի շորս տեսակ, որոնք միմյանցից տարբերվում էին ոչ միայն կտորի որակով, այլև զարդաձևերով: Մահուդից կարված վերնազգեստը կոչվում էր ջուպպա, մետաքսիցը՝ ֆայ, լահուր, խրխա, թավիշիցը՝ դատիֆա⁴, բրդյա գծավոր կտորից կարվածը՝ փութալի⁵: Ղատիֆան, խրխան, փութալին տոնական վերնազգեստ էին, իսկ ջուպպան՝ երկու տեսակ էր լինում՝ ամենօրյա և տոնական:


Տարածված էր վերնազգեստի վեց տարբերակ: Առաջին տարբերակը կարվում էր մուգ կարմիր, մուգ կանաչ, մանուշակագույն, մուգ կապույտ գույնի թավիշից կամ էլ մուգ կապույտ գույնի մահուդից: 60—64 սմ լայնություն ունեցող մահուդի կամ էլ թավիշի երեք երկարություն (1,20 մ—1,45 մ) կաղմում էր վերնազգեստի հիմնական մասը՝ առջևի երկու վեղկը և ետևամասը, որոնց միացվում էին թևերը, թևատակից մինչև գոտկատեղ լայնացնող առանձին հավելվածները և քղանցքը լայնացնող երկրաչափական սեղանի ձևի հատվածները (նկ. 1, 1ա, բ): Մեկ վերնազգեստ կարելու համար անհրաժեշտ էր 8 մ մահուդ կամ թավիշ, նույնքան էլ բամբակյա միագույն կտոր աստառապատման համար: Ջուպպան կարվում էր առանց աստառի, իսկ ղատիֆան, խրխան, փութալին՝ անպայման աստառով: Վերնազգեստի այս տարբերակը ձևավորվում էր Կասպուրականի կանանց տաք վերնազգեստ-դալմաշին, միայն տարբեր էր զարդարման եղանակը: Դալման եզրերում ունենում էր ոսկեթելի կամ մետաքսաթելի մեկ շարքով տրեղ, մինչդեռ վերնազգեստ-ջուպպան զարդարվում էր երկու, երբեմն էլ երեք շարք տրեղով, խրխան էլ տրեղից բացի նաև ճոխ ասեղնադործությամբ էր զարդարվում: Հավանաբար, նախնականը Բարձր Հայքինն է, որի ազդեցությամբ վերնազգեստի ձևվածքը տարածվել է նաև Կասպուրականում:

Վերնազգեստ-ջուպպայի, ղատիֆայի, խրխայի կրծքի բացվածքը մեծ էր լինում և շուրջը, ինչպես նաև քղանցքի, թևաբերանի եզրերը զարդարվում էին ոսկեթելով և արծաթաթելով, թռթռով արված ասեղնադործությամբ:

⁴ Գործածական էին ֆայ, լահուր, խրխա եվրոպական մետաքսյա կտորները, որոնցից կարված վերնազգեստն էլ կրում էր կտորի անունը:

⁵ Տե՛ս Հայաստանի պատմության պետական թանգարան (այսուհետև ՀՊՊԹ), ազգագրական ֆոնդ, №№ 4657, 4668, 7212 խրխաները, 7449/33, 7805, 7868, 7904 ջուպպաները, 7176, 7187 ղատիֆաները և այլն:

Բարձր Հայքի կանանց վերնազգեստի ասեղնադորժության մոտիվը բուսանախշերն են, որ կատարվում էին երկու եղանակով՝ ուռուցիկ հարթակարով և հաստ ոլորված ոսկեթելի միջոցով: Կերչին եղանակի դեպքում ոսկեթելը ամրացվում էր կտորի վրա ուրիշ բամբակյա թելով՝ աննկատելի կարով⁶։ Կըրծքի բացվածքից սկսած մինչ դոտկատեղը աչ ու ձախ փեղկերի եզրերին կարվում էր երեք չապրաստ, որոնցով վերնազգեստը կիսի զրկում էր իրանը, իսկ դոտկատեղից ներքև մնում էր բաց, որը ծածկվում էր գոգնոցով:



Նկ. 1

Ոսկեթելից հյուսված տեղի էր կարվում նաև թևի կարի և նույն կարի ուղղությամբ շարունակվող կողքի կարերի վրա, մինչև գոտկատեղ: Տեղի դորժածությունը երկու և երեք շարքով, հատկապես քղանցքում, բացի զարդաձև լինելուց, ուներ և այլ նպատակ. այն ծառայում էր նաև զգեստի եզրերը ձիգ պահելուն և զգեստի ձևերը ընդգծելու նպատակին: Այս տարբերակը տարածված էր Կարինում, Ախալցխայում, Լենինականում:

Երկրորդ տարբերակը առաջինից դատորոշվում էր կողքերում ավելացված հատվածների տեղադրման դիրքով (Նկ. 1, 2ա, բ): Այն կարվում էր նույն կտորից, ինչ որ առաջին տարբերակը: 46 սմ լայնություն ունեցող թավշյա կտորի երեք երկարությունը բավական էր վերնազգեստի հիմնական՝ առանցքային մասի համար, որին ավելացվում էին կողքի հավելվածներն ու թևերը: Մեկ վերնազգեստի համար անհրաժեշտ էր 6,50—7 մ թավիշ: Առջևի երկու փեղկի հիմնական կտորը ձևվում էր նախորդ տարբերակի համեմատությամբ ավելի նեղ՝ 19—44 սմ, որին միացվում էին քղանցքը լայնացնող եռանկյունաձև հատվածները, յուրաքանչյուր կողմից մեկական և ապա տրասյնցիայի ձևի լայնացնող մեծ հատվածը: Այս տարբերակում ետևի հիմնական

⁶ Ս. Ս. Դավթյան, Հայկական ասեղնադորժության ձեռնարկ, Երևան, 1956, էջ 15:

կտորը նույն ձևն ու չափն ունենալու, ինչ որ ունենալու անհատները տարբերակվում են իրարից՝ ըստ տարբերակի թվերի, որոնք կապված են անհատների հետ։ Այս տարբերակի թվերը կոչվում են ալիքային և անհատական թվեր։ Այս տարբերակի թվերը կոչվում են ալիքային և անհատական թվեր։ Այս տարբերակի թվերը կոչվում են ալիքային և անհատական թվեր։

Երրորդ տարբերակը կարվում էր բաժանված մուգ կապույտ գույնի կտորից, առանց ուսակարի, զոտկատեղում կարվում էր ալիքային և անհատական թվերով։ Այս տարբերակի թվերը կոչվում են ալիքային և անհատական թվեր։ Այս տարբերակի թվերը կոչվում են ալիքային և անհատական թվեր։ Այս տարբերակի թվերը կոչվում են ալիքային և անհատական թվեր։

Չորրորդ տարբերակի ետևամասը բաղկացած էր երկու երկայնակի կտորից, որոնք միմյանց հետ միմյանց ներսի կողմի կարվում էր ալիքային և անհատական թվերով։ Այս տարբերակի թվերը կոչվում են ալիքային և անհատական թվեր։ Այս տարբերակի թվերը կոչվում են ալիքային և անհատական թվեր։

Վերնազգեստի հինգերորդ տարբերակն ունենալու անհատները տարբերակվում են իրարից՝ ըստ տարբերակի թվերի, որոնք կապված են անհատների հետ։ Այս տարբերակի թվերը կոչվում են ալիքային և անհատական թվեր։ Այս տարբերակի թվերը կոչվում են ալիքային և անհատական թվեր։

XIX դ. վերջին և XX դ. սկզբին տարածված ալիքային և անհատական թվերը կոչվում են ալիքային և անհատական թվեր։ Այս տարբերակի թվերը կոչվում են ալիքային և անհատական թվեր։ Այս տարբերակի թվերը կոչվում են ալիքային և անհատական թվեր։

Վերնազգեստ, զոգնոց, տղամարդկանց ալիքային և անհատական թվերը կոչվում են ալիքային և անհատական թվեր։ Այս տարբերակի թվերը կոչվում են ալիքային և անհատական թվեր։ Այս տարբերակի թվերը կոչվում են ալիքային և անհատական թվեր։

7 Տե՛ս ՀՀԿԿ, ազգագրական ֆոնդ, № 8439/31 վերնազգեստը։

8 Լենինականի գավառագիտական թանգարան, զգեստի ֆոնդ։

նադործող վարպետներ էին Սուփունը, Պտին: XX դ. սկզբին Ախալցխայում թարդի էր Աննա Մեշչյանը, Ախալքալարում՝ Լուսոն, Սիմոն Նահապետյանը (սատանի Սիմոն), Արգահանում՝ Էլբիզը և այլն:

Ուսուցիկ հարթակարով ասեղնագործելը ավելի գծվար էր և գրանով զբաղվում էին նաև տղամարդիկ, որոնք հատուկ արհեստանոցում, բացի զգեստից, ասեղնագործում էին նաև ծածկոցներ, գորգեր: Ախալցխան վաղուց հայտնի էր իր ասեղնագործությամբ, այդ արհեստով այնտեղ զբաղվում էին հարյուրավոր ընտանիքներ, որոնց արտադրանքը օգտագործվում էր ամբողջ Կովկասում, տալով Ախալցխայի բնակչությանը զգալի օգուտներ⁹:

Վարպետ-թարդիին վերնազգեստ կամ գոգնոց պատվիրողը հայտնում էր նաև իր ցանկացած զարդանախշի (չուրբի) տեսակը: Որպես զարդանախշ գործածական էին «ղայթան-բիբման», «թութ ու թաթիկը», «վարդը», «ղարան-ֆիլը» և այլն, որոնք նույնանուն ծաղիկներին են նման: Թարդին օգտվում էր պատվիրատուի հագին եղած զգեստի շափերից, իսկ եթե պատվիրատուն, այսպես կոչված, «ռըսնակ» շորերով էր, ապա առնվում էին մարմնի շափերը այդ շորերի վրայից¹⁰:

Չափերը նշելու համար գործածվում էր սպիտակ, կապույտ և կարմիր գույնի բրդյա կամ բամբակյա թելերի խառնուրդից ոլորված հաստ թել, որը կոչվում էր շոփի:

Վերնազգեստի և գոգնոցի, ինչպես նաև կարճ վերնազգեստի զարդարման համար ոսկեթելի տրեզից (կլապիտոն) բացի, գործածական էր մետաքսաթելից հյուսված տրեզը (ղայթան): Ոսկեթելից հյուսած տրեզը կարվում էր տոնական (դրսնավուր) զգեստների եզրերին, իսկ մետաքսաթելից հյուսածը՝ տղամարդկանց զգեստի և կանանց ամենօրյա (օրզավուրի) զգեստների եզրերին: Նրբեմն վերնազգեստի առջևի երկու փեղկի եզրերը, որ ծածկվում էր գոգնոցի տակ, զարդարվում էր մետաքսաթելի դեղին ու կարմիր գույնի տրեզով¹²: Մետաքսյա տրեզով էին պատրաստում կանանց լրացուցիչ ներքնազգեստ-անթարու կոճակօղերն ու պատում գնդաձև կոճակները, կարճ վերնազգեստ-բաձկոնի (սալթա) թևաբերանի ձեղքի եզրերը:

Ոսկեթելի տրեզը զգեստի եզրին կարվում էր դեղին գույնի մետաքսյա երկտակ թելով: Այդ թելը մոմում էին, որ ամուր լինի: Լավ կար էր համարվում այն, որը թարս կողմում մանր էր, առանց հանգույցի, համաշափ: Յուրաքանչյուր դերձակի աշխատանքը այս կարի միջոցով կարելի էր տարբերել:

⁹ «Сборник материалов для описания местностей и племен Кавказа», вып. XI, Тифлис, 1891, էջ 211:

¹⁰ «Ռըսնակ» էր կոչվում սպիտակ վերնաշապիկը՝ մուգ գույնի շրջազգեստի հետ կամ էլ միապույն-ամբողջական զգեստ-դեյրան: «Ռըսնակ» ուսական է նշանակում. դա XX դ. սկզբին թե՛ Ռուսաստանում, թե՛ Հայաստանի գրեթե բոլոր շրջաններում մուտք գործած եվրոպական ձևն է:

¹¹ Տե՛ս Կ. Գ. Ղաֆադարյան, Մի փաստաթուղթ Ախալցխայի հայերի կենցաղի վերաբերյալ, «Բանբեր Երևանի համալսարանի», 1967, № 3, էջ 168—169:

¹² XIX դ. վերջին Ախալցխայում հարգով լցված տղի վրա տրեզ գործող վարպետներ էին Սոֆյա Գեղամյանը, Գայանե Աղաբաբյանը (Գարան), Եղսար Չախմախչյանը, Գայանե Վարդապետյանը: Ոսկեթելով տրեզ գործող վարպետներ էին Մելքոն Քյոսյանը, Նվարդը, XX դ. սկզբին հաստոցի վրա մետաքսաթելի տրեզ գործող հայտնի վարպետ էր Միհրան Ֆուռսյանը: Վերջինիս հաստոցը այժմ գտնվում է ՀՊՊԹ ազգագրական ֆոնդում:

Կանանց զգեստի կարևոր բաղկացուցիչ մասերից էր գոգնոցը, որը երկու տեսակ էր լինում. առաջինի եզրերը ուղիղ էին լինում, իսկ երկրորդինը՝ ալիքավոր: Գոգնոցի ալիքավոր եզրերը կտրվում էին հատուկ գործիքի միջոցով և ոչ թե մկրատով:

Գոգնոցի եզրերի զարդարումը, ինչպես նշեցինք, վերնազգեստի զարդարման եղանակի նման էր: Կարիճում, Կարսում, Արզվինում, Ախալցխայում, Լենինականում, Ախալքալաքում գոգնոցի ձևը նույնն էր, բայց յուրաքանչյուր վերահիշյալ վայրում ասեղնագործվում էր յուրօրինակ զարդանախշ: Ասեղնագործող վարպետները իրենց կատարած աշխատանքի մեջ դրսևորում էին իրենց սիրած ձևերը: Վարպետները աշխատում էին քաղաքներում, գյուղացիներն էլ իրենց դրսնավոր զգեստները պատվիրում էին քաղաքի վարպետներին¹³: XX դ. սկզբին վարպետներ էին աշխատում նաև Ախալցխայի, Ախալքալաքի, Լենինականի շրջանի որոշ գյուղերում:

Այս խմբի մեջ խոտրջրի կանանց գոգնոցը զգալի կերպով տարբերվում էր: Այն համեմատաբար նեղ էր, ուներ ընդամենը 65—70 սմ լայնություն: Եզրերին երեք կողմից ասեղնագործվում էր մանր բուսանախշ, իսկ ներքևի եզրի կենտրոնում, անկյունների երկու մեծ նախշերի միջև՝ ավելի մեծ բուսանախշ: Որ կենաց ծառն էր պատկերում և արտահայտում էր պտղաբերության դադար: Անկյուններում արված նշածե նախշերի մեջ գրվում էին կրողի անվան և ազգանվան սկզբնատառերը: Հաճախ գոգնոցին կարվում էր բամբակյա կտորից աստառ: Գոգնոցը սովորաբար ունենում էր 65—86 սմ լայնություն և 100—115 սմ երկարություն: Վերևի եզրին ամրացվում էր 3,0—3,20 մ երկարությամբ և 3—4 սմ լայնության գոտին՝ «գոգնոցի կապը»:

Գոտին հյուսում էին ղեղին և կարմիր դույնի մետաքսաթելից, եղբերի զարդանախշերի համար օգտագործվում էր նաև սպիտակ, սև և կանաչ գույնի մետաքսաթել: Այդ գործով զբաղվում էին հատուկ վարպետներ¹⁴ շորս փորրիկ անցք ունեցող քառանկյունի տախտակների, այսպես կոչված, «չարպարանների» միջոցով¹⁵: Հյուսելիս գոտու վրա կատարվում էին նախշեր, ըստ որում, մեկ երեսին կարմիր ֆոնի վրա ղեղին դույնի նախշեր էին ստացվում, իսկ մյուս երեսին՝ ղեղին ֆոնի վրա, կարմիր նախշեր: Հարգաձևերը արտահայտում էին ոճավոր կենաց ծառ (տե՛ս նկ. 3), կենցաղային առարկաներ (մաքոբ, մկրատ, սափոր, գորգագործի հարթիչ-կտուտիկ), եկեղեցու խորան, խաչով զմբեթ և այլն: Գոտիներն ունենում էին նաև մակագրություններ, նշվում էր պատրաստման տարեթիվը, պատվիրատուի անունը, ազգանունը, օրինակ՝ «Ի վայելումն Գայանեի», «Ի վայելումն Հռիփսիմեի», իսկ երբ գոտին պատրաստվում էր պատահական զնորդի համար, ունենում էր «Ի վայելումն կապողղին» մակագրությունը¹⁶: Գոտու ծայրերը վերջանում էին հենքի թելից կապած երկար փնջիկով:

¹³ Լենինականում XIX դ. վերջին հայտնի վարպետուհի էր Ֆլոր Թևանյանը, որին անվանում էին «Ոսկի կարող Ֆլոր», Ախալցխայում XX դ. սկզբին վարպետուհի էր Սրբուհի Լիսանյանը:

¹⁴ Կ. Գ. Ղաֆադարյան, Մի փաստաթուղթ Ախալցխայի հայերի կենցաղի վերաբերյալ, էջ 169:

¹⁵ Ախալքալաքում՝ Սուլդա գյուղում, XIX դ. վերջին գոտի հյուսող վարպետուհի էր Եպրակ-սի Մանուկյանը:

¹⁶ M.—m. B. Chantre, A travers L'Arménie Russe, Paris, 1895, էջ 343:

Բարձր Հայքի տարալի գոտիները ամեն մի գավառում ունենում էին իրենց յուրօրինակ կողմերը: Օրինակ, Կարսում գոտու դեղին գույնի մետաքսյա թելին երբեմն փոխարինում էր ոսկեթելը, իսկ նախշերը գրեթե կրկնում էին Կարինի նախշերը: Այստեղ կենաց ծառը գոտու վրա հինգ տարբերակով էր պատկերվում¹⁷, որով և դրսևորվում էր կենաց ծառի բազմազանությունը: Մյուս նախշերը նույնպես բազմազան էին լինում, նկատելի էր կրկնություններից խուսափելու ձգտումը, որ հատուկ է հայկական մշակույթի նաև ուրիշ բնագավառներին: Գոտու երկրորդ տեսակը արծաթյա, ոսկեզօծ, տեղի ոսկերիչների պատրաստած դոտիներն էին¹⁸, մեծ մասամբ զուգաթելի աշխատանք: Արծաթյա գոտու վրա զարդանախշը նույնպես բուսանախշերն էին. գոտու ճարմանդը ունենում էր վերադիր ծաղկանախշեր, երբեմն փիրուզյա ակներով զարդարված: Արծաթյա գոտին քիչ էր դործածվում. այն կապվում էր մետաքսյա գոտու վրա ից:

Կանանց զգեստի կազմության մեջ կարևոր նշանակություն ունեն կրծկալը, որով ծածկվում էր վերնազգեստի կրծքի մեծ բացվածքը: Այն ասեղնագործվում էր ոսկեթելով, ուռուցիկ հարթակարով և կամ էլ վերնազգեստի ու գոգնոցի ասեղնագործման երկրորդ եղանակով:


XIX դ. վերջին և XX դ. սկզբին, երբ մուտք գործեց կարի մեքենան, կանանց կրծկալի զարդաձևի մեջ կատարվեց մեծ փոփոխություն. ասեղնագործությունը փոխարինվեց նեղ դարսերով կամ էլ ծալաբոլորքով: Նեղ դարսը մեքենակարվում էր երկայնակի, իսկ ծալաբոլորքը գործածվում էր դարսերի հետ ղուգահեռ և առանց դրանց: Բացի կտորից ծալաբոլորքի համար նյութ էր ծառայում նաև գործարանային սպիտակ գույնի ժանյակը՝ Դարսերի և ծալաբոլորքի հանդես դալը հետևանք էր դործարանային արտադրանքի տարածման, որ ավելի էժան էր, քան ձեռքի աշխատանքով կատարվածը: Այդ երևույթը նպաստեց նաև քաղաքային նորաձև տարալի լայն տարածմանը: Եվրոպականի ազդեցության տակ սկսվում է հատկապես հարուստ կանանց զգեստի նորաձևություն: Երբեմն որոշ փոփոխություններ են նկատվում զգեստի առանձին մասերի վրա: Կրծկալը դարսերով և ծալաբոլորքով զարդարելը դառնում էր ավագույնը:

XIX դ. վերջին և XX դ. սկզբին Ախալցխայում, Ախալքալաքում, Լենինականում գործածական էր կարճ վերնազգեստ-բաճկոնը (սալթա): Տարածված էր այս զգեստի երկու տարբերակ, առաջին տարբերակը ձևվում էր ներքնազգեստ անթարու նման մետաքսյա կանաչ. կտուրույտ, վարդագույն կտորներից, թևատակին խառնկյունաձև հավելվածով (անութակտոր): Թևաբերանը սրածայր, ձևավոր կամ էլ ալիքաձև էր, թևաբերանի ձեղքի եզրերին կարվում էին գնդաձև կոճակներ՝ պատված դեղին դույնի մետաքսյա թելի հյուսվածքով և նույն թելից պատրաստված կոճակօղերով: Այլ ու ձախ փեղկերի եզրերին, կրծքի բացվածքից սկսած, ամրացվում էին 3—4 հատ վերոհիշյալ կոճակներից և նույնքան էլ կոճակօղեր: Սալթան ներքևի մասում, անթարու նման, կողքի կարերի ուղղությամբ ձեղք էր ունենում: Այս տարբերակը տարածված էր Ա-

17 Տե՛ս ՀՊՊԹ, ազգագրական ֆոնդ, N: 570, 8415/3, 7603 դոտիները:

18 Ախալցխայում XX դ. սկզբին գոտի, զարդեր, գլխարկի փնջիկի արծաթյա զինիկ պատրաստող վարպետներ էին Կարապետ Գրիգորյանը, Նիկոլ Մակարյանը, Սուրեն Սեյթարյանը, Լենինականում՝ Թորոս Մալխասյանը, Տարախյան եղբայրները և այլն:

խալցիսալում, Ախալքալաքում գեոևս XIX դ. կեսերին: Այս տարբերակի երիբ տեսակ կար. առաջինը՝ ալիքաձև եզրերով էր, թևատակի կտորը ամբողջական, որը ծառայում էր և՛ անութների, և՛ կողբերի լայնացման նպատակին¹⁹ (նկ. 2. 1ա, բ): Կարվում էր նեղ, կանգնած օձիք, թևերը լայն էին, ըստ որում, թևերի հիմքն ու թևաբերանը զրեթև հավասար լայնություն ունեին: Այսպիսի ձևը Կարնո հայերը անվանում էին «սատանայի ձև»: Եզրերը զարդարում էին ոսկեթելի տրեզով և մեկ շարք ոլորված ոսկեթելի գծով (բիբմայով): Այս տեսակը հատուկ էր Ախալքալաքին XIX դարում:




Նկ. 2

Երկրորդ տեսակի կարճ վերնազգեստի անութները եռանկյունաձև հավելվածով էին լինում, թևերի հիմքում ավելացվում էին մեկական հատվածներ, երբեմն ստացվում էր թևը լայնակի կարով, իսկ կողբերում լայնացման անհրաժեշտություն չէր զգացվում, քանի որ կարվում էր լայն կտորից: Զարդարման եղանակը նախորդ տեսակի նման էր, միայն թևաբերանի ճեղքի եզրին, բացի վերոհիշյալից, կարվում էր նաև ոսկեթելից հյուսած նեղ ժապավեն (նկ. 2, 2ա, բ): Այս տեսակը տարածված էր Ախալքալաքում և Ախալքալաքում XIX դ.:

Երրորդ տեսակի անութներում և կողբին ավելացված կտորները միացվում էին ուղիղ լայնակի կարով (նկ. 2, 3ա, բ): Անութատակի կտորը այս դեպքում գեպի ներքև վերջանում էր ոչ թև սրածայր, ինչպես առաջին տեսակինը, այլ

¹⁹ Տե՛ս ՀՊՊԻ, արգարական ֆոնդ, № 8156/3, կարճ վերնազգեստ-սալթան:

ուղիղ, միայն աստիճանաբար ավելի էր նեղանում: Այս տեսակի կարճ վերնազգեստի զարդարման եղանակը նման էր առաջինին: Այսպիսով, կարճ վերնազգեստի առաջին տարբերակի երեք տեսակները, որ Հեվածքում որոշ տարբերություններ ունեին, ավելի հին են, քան մյուսները:



Նկ. 3

Երկրորդ տարբերակը Հեվածքով շատ էր տարբերվում առաջինից: Այն կարվում էր բացառապես թավշյա-մանուշակագույն, կապույտ կամ մուգ կարմիր գույնի կտորից²⁰: Սրա ուսերը թեք էին, հետևապես՝ կարով, թևատեղերը փորված, թևաբերանը՝ ձեավոր և հիմքի համեմատ շատ լայն: Թիկունքին ունեի կորագիծ կարեր, որոնք սկսվում էին թևատեղերից, գոտկատեղում սեղմում իրանը և շարունակվում թեք վիճակով դեպի կողքի կարերը (նկ. 2, 4բ, 5բ, 6բ, 7բ): Այս կարերի շնորհիվ թիկունքը հատուկ ձև էր ստանում: Թե՛ կողքի, և թե՛ թիկունքի կարերը ասեղնագործվում էին բուսանախշերով՝ նույն եղանակով, ինչպես վերնազգեստ-ջուլպան ու խոխոսն կամ էլ գոգնոցը: Այս տարբերակի չորս տեսակ կար. առաջին տեսակը ալիքաձև, ձեավոր կտրած եզրերով էր, վզի կտր բացվածքով, մոխ ասեղնագործությամբ (նկ. 2, 4ա, 6): Երկրորդ տեսակն ուներ ուղիղ եզրեր (ու ծոնթաձև), առջևամասում կոր, ետևից երկայնակի կարով (նկ. 2, 5ա, 6): Երրորդն ու չորրորդը սրածայր աչ ու ձախ փեղկերով, ըստ որում չորրորդը առջևում ուներ երկու երկայնակի կար (նկ. 2, 7ա), որի շնորհիվ վերնազգեստը կիսով նստում էր իրանի վրա:

Կարճ վերնազգեստի երկրորդ տարբերակը իր չորս տեսակներով հանդերձ նորաձևության արդյունք էր: Թեև նույնանուն զգեստի գործածությունը մինչ-

²⁰ Տե՛ս ՀՊԹ, ազգագրական ֆոնդ, № № 921, 924, 925, 929, 930, 932 կարճ վերնազգեստները.

այդ կար Արևմտյան Հայաստանի շատ զավառներում, բայց տարբերությունը զգալի էր. նմանվում էին միայն անունով և թիկնածածկ լիճակով: Այս զգեստը ասեղնագործվում էր ոսկեթելով, արծաթաթելով, թռթռով և նույնպես բուսանախշերով, ինչպես որ առաջին տարբերակի զարդանախշերն էին: Ձևվածքով և զարդանախշերով այս զգեստն ուներ յուրօրինակ բնույթ: Կարսում կարձ վերնազգեստը ավելի գործածական էր, քան Բարձր Հայքի տարազախմբի տարածման մյուս վայրերում:

XIX—XX դդ. զգալի էր կարձ վերնազգեստի տարածվածությունը Լենինականում, որովհետև Կարսից Լենինական զաղթողները ավելի շատ էին, քան մյուս վայրերից եկածները, ուստի այս զգեստատեսակն իր բնորոշ կողմերով գոյատևեց Լենինականում մինչև XX դ. սկիզբը:

Կանանց տարազի բաղկացուցիչ մասն էր կալմում նաև վերարկուն (ֆարաջան), որը կարվում էր դործարանային սև կամ շագանակագույն բրդյա կտորից: Այն երկարում էր մինչև ոտքի կոճերը և թիկունքում ունենում էր դարսեր. թևերը երկար էին, իսկ առջևի բացվածքի աջ ու ձախ փեղկերը միացնում էին միմյանց հետ բաղմաթիվ կոճակների միջոցով:

Եկեղեցի գնալիս շորերի վրայից օգտագործում էին սպիտակ գույնի բրդյա նուրբ կտորից կարված մեծ ծածկույ (Լհրամ)²¹: Էհրամը ասեղնագործում էին առանձին վարպետներ. աղջիկների էհրամը զարդարվում էր ասեղնագործ լիմոնաձև նախշերով²²:

Ջուլպայի և խրխաչի տակից կանաչ հագնում էին լրացուցիչ վերնազգեստ-անթարին, որը տարածված էր նաև Արևմտյան Հայաստանի բաղմաթիվ այլ զավառներում: Անթարին կարվում էր գծավոր բամբակյա կտորից, մեծ մասամբ մանուսայից: Բարձր Հայքում կարվում էր նաև մետաքսյա կտորից: Ձևվածքի մեջ էլ կային որոշ գծեր, որ բնորոշ էին Բարձր Հայքին, որտեղ գործածական էր անթարու երկու տարբերակ: Առաջին տարբերակն ուներ ջուլպայի ձևվածք, առանց ասեղնագործության ու առանց տրեղով զարդարանքի: Երկրորդը նման էր Արևմտյան Հայաստանի զավառներում տարածված անթարուն: Մի անթարի կարելու համար անհրաժեշտ էր 50—52 սմ լայնություն ունեցող 7,5 մետր կտոր:

Այսպիսով, Բարձր Հայքի կանանց զգեստի բաղկացուցիչ մասերից միայն անթարին էր ընդհանուր մյուս զավառներում գործածվող նույնանուն զգեստի հետ, իսկ մնացած մասերով նա բոլորովին տարբերվում էր նրանցից:

Կանանց գլխի հարդարանքը ևս յուրօրինակ էր: Այն առանձնահատուկ շրջադրություն ու տեսք էր տալիս զգեստին, կանաչ սանրում էին մաղերը, երկու հյուս անում, հագնում մուգ կարմիր գույնի գլխարկ երկար փնջիկով:

Գլխի հարդարանքի բաղկացուցիչ մասերից էին մարգարտաշար քունքափախիկները («գիլիֆլըղ»), յուրաքանչյուր կողմում 5—6-ական զույգ: Յուրաքանչյուր զույգը միացված էր լայնակի գծիկներով, որոնք նույնպես մարգարտաշար էին: Զույգի ծայրը ներքևում միացվում էր և կախվում մեկ ոսկյա զրամ: Մեկ գիլիֆլըղը ունենում էր 10—12 զրամ-կախիկ: Մարգարտաշար կախիկները միացվում էին կտորի նեղ ժապավենի վրա և այդ ժապավենը կապ-

²¹ Էհրամը գործում էին էհրամչիները: Ախալցխայում հայտնի վարպետ էր Մամիկոնը, որին անվանում էին «էհրամչի Մամիկոն»:

²² Ախալցխայում XX դարի սկզբին էհրամ ասեղնագործող վարպետ էր Վերոն Կիրակոսյանը:

վում էր գլխարկի վրայից (տե՛ս նկ. 4)։ Փողոց դուրս զալիս այդ կախիկները հավաքում էին դեպի վեր, գլխաշորի տակ։

Գլխի հարդարանքի մասերից էր ճակտնոցը (չուխտ շերիդը), որը բաղկացած էր երկու շարք ոսկյա դրամների (ուռութիա)²³ շարանից, ըստ որում կենտրոնում՝ քթի ուղղությամբ, մեկ մեծ դրամ էր տեղավորվում, որը կոչվում էր միջանոց («սուրաթ»)։ Դրամների քանակը հասնում էր 200-ի։ Դրամների շարանի ծալրերում ամրացվում էր միջին մեծության մեկական դրամ։

Դրամների շարանով ճակտնոց էր նաև Սյունիք-Արցախի կանանց ճակտնոցը, բայց տարբեր դասավորությամբ։ Եթե Բարձր Հայքում երկու շարքով էր դասավորվում, ապա Սյունիք-Արցախում մեկ շարքով։ Տարբերություններից կարևոր է նշել, որ Բարձր Հայքում միջանոց էր ամրացվում, իսկ Սյունիք-



Նկ. 4

Արցախում այն բացակայում էր. Բարձր Հայքում դրամաշարը ոսկուց էր կամ էլ ոսկեգույն լատունից, իսկ Սյունիք-Արցախում՝ արծաթից, միայն հարուստ խավինը՝ ոսկուց։ Այս երկու խմբի ճակտնոցի ընդհանրությունը արտահայտվում էր միայն դրամաշարի առկայությամբ։ Բարձր Հայքի կանանց ճակտնոցի վրա հարուստ ընտանիքներում գործածական էր նաև ավելի շքեղ զարդը — ջալշակը։

²³ Ուռութիայի այլ տեսակները կոչվում էին «ճաճանլի», «քյարթմալի», «քսանօխտնոց», մեջիդիե, որոնցից «քյարթմալին» ավելի որակով էր։

Կնոջ ճակատը վարդարող գլխահարդարանքի մասերից էր վարդը (օյա, թանթանա)՝ քունքերի մոտ ամրացված շրջանաձև բարձիկներով (կոտոշ)։ Վերջինս առանձին պատվում էր վարդի թավշյա կտորով և ամրացվում դրան։ Այդ բարձիկները և դրանց միջև եղած ամբողջ մակերեսը վարդարում էին ասեղնագործ ժանյակով (տե՛ս նկ. 4)։ Նախ ամրացնում էին ոլորապտույտ ձևով կանաչ գույնի մետաքսյա թելով ասեղնագործ ժապավենը, որը ծառայում էր որպես ֆոն, կանաչ խոտ կամ ցողուն, իսկ դրա վրա մանր ծաղկանախշերով ժանյակ, նմանեցված մանուշակի, նարդիլի, մեխակի, շուշանի։ Որպեսզի սպակաթներ-թիկները փուլած դիրքով լինեն՝ դիտվեն, դրանց եզրերին ձիու մազ կամ մետաղյա բարակ թել էին հագցնում²⁴։ Ծաղկանախշերի հետ միասին երբեմն ամրացվում էին աքաղաղի պատկերով վոթրիկ ասեղնագործ վարդեր։

Գլխահարդարանքի վերահիշյալ մասերը հարմարեցնելուց, կապելուց հետո ծածկում էին երկար, քառանկյունաձև մետաքսյա նուրբ կտորից կամ շղարշից կարված գլխաշորը (շիքիլա), որի ծայրերը հասնում էին մինչև կրողի սրունքները։ Գլխաշորի եզրերը զարդարվում էին ասեղնագործ ժանյակով։ XIX դ. վերջին և XX դ. սկզբին այդ նպատակի համար գործածական էր նաև գործարանային ժանյակը։ Գլխաշորի վրա ասեղնագործում էին մանր բուսա-նախշեր, մետաքսյա կամ ոսկյա թելերով։ Տարեց կանանց գլխաշորը դա՛մա՞ծ չաղման էր, որի եզրերին կարվում էր մետաքսյա գունավոր թելերով ասեղնագործ ժանյակ՝ բաղկացած ծաղկանախշերից, եռանկյունիների շարանից։ Տարեց կանանց գլխի հարդարանքում բացակայում էին մարդարտաշար քունքակախիկները, ջավշակը։ Աղջիկների գլխի հարդարանքում բացակայում էին և՛ քունքակախիկները, և՛ ջավշակը, և՛ շիքիլան²⁵։

Գլխի հարդարանքի հետ միասին զգեստին շքեղ տեսք էին տալիս լրացուցիչ վարդերը՝ մատանին, լա՛ն ասլարանջանը (խալխալ), մանյակը, կրծքավարդը՝ ոսկյա դրամների (իմպերիալ և կես իմպերիալ) շաբանով (պողմաղ) և ոսկյա շղթայով ժամացույցը։

Կանանց զգեստում գործածվում էին մետաքսյա, բամբակյա, բրդյա նուրբ թելերով հյուսված նախշազարդ գուլպաները (որ յուրաքանչյուր աղջիկ և կին գործում էր իր համար), մաս ու բաբուշը (որ կարում էին տեղի վարպետները)²⁶։ Երիտասարդ կանայք հաղնում էին դեղին գույնի մաս և դեղին գույնի բաբուշ, իսկ հասակավորները՝ դեղին գույնի մաս, կարմիր գույնի բաբուշ։

Բարձր Հայքում տղամարդկանց տարավը XIX դ. սկզբին ընդհանրություն ուներ կանանց տարավի հետ։ Զգեստի այդ ընդհանրությունը արտահայտվում էր հատկապես վերնազգեստի մեջ։ Կարնոհալ տղամարդկանց վերնազգեստը կարվում էր նույն նյութից, նույն ձևվածքն ուներ և նույն անունն էր կրում, ինչպիսին կանանց վերնազգեստ-ջուպպան էր։ Տարածված էր տղամարդկանց զգեստի երկու տեսակ. առաջինը բաղկացած էր հետեյալ մասերից՝ սպիտակիզդեն, ելակ, վերնազգեստ, դոտի, անդրավարտիք, գլխի հարդարանք և ոտնաման։ Սպիտակեղենը կարվում էր սպիտակ գույնի կտավից, շապիկը կրծքին

²⁴ Ս. Ս. Դավթյան, Հայկական ժանյակ, Երևան, 1966, էջ 22։

²⁵ «Գեղունի», 1903—1904, էջ 51։

²⁶ XIX դ. վերջին Ախալցխայում մաս բաբուշ կարող վարպետ էր Մարտիրոս Ստեփանյանը, XX դ. սկզբին՝ Մեխակ Գեղամյանը, Թաթոս Գառնարյանը, Տիգրան Տարակյանը, Լենինականում՝ Ստեփանը, ախալքալաքի Հակոբը, Հովհաննես և Լևոն Մոսիկյանները, իսկ Ախալքալաքում՝ հաշո և Աղաչան Այդինյան եղբայրները։

Երկար բացվածք ունեւորւ Խեւերը երկար էին և կոճկվում էին դաստակի մոտ: Վարտիքը նույնպէս կտավից էր, քաղաքում կարում էին քաթանից: Փողերը բերանին ամրացված կապերի միջոցով կապվում էին ոտքին, որի վրայից էլ զուլպան էին հաղնում: Ձեւվածքով շապիկը և վարտիքը միանգամայն տարբերվում էին Վասպուրականի և մյուս գավառների մեջ գործածվողներից: Շապկի վրայից գործածական էր ելակը, որ առանց թևերի և առանց զրպանների զգեստ էր, որի առջևամասը կարում էին մահուդից, իսկ ետևի շերեացող մասը՝ բամբակյա կտորից: Նլակը կոճկվում էր մետաքսաթելի տրեղից կարված կոճակ-օղերի և նույն տրեղով պատված կոճակների միջոցով:

Բարձր Հայքի տղամարդկանց անդրավարտիքի երկու տարբերակ կար. առաջին տարբերակը գոտկատեղում շատ լայն էր և վերևամասը երկարավուն այն աստիճան, որ կախվում էր փողիքի վրա անգամ մինչև ծնկներից էլ ներս: Այս տարբերակը կոչվում էր «կախ շալվար»²⁷, իսկ գոտկատեղը խոնջանադարձի մեջ անցկացրած գոտեկապի միջոցով հավաքվում էր շարով և կապվում առջևում: Մեկ անդրավարտիք կարելու համար անհրաժեշտ էր 22 արշին (արշինը 71 սմ է) 35—40 սմ լայնութուն ունեցող տեղական բրդյա կտոր, որ անվանում էին «ղարա մանդուլ», նույն անունն էր կրում և անդրավարտիքը: Այս տարբերակը ուներ կողքերում գրպանաձեղք: Այն տարածված էր Կարինի շրջանում, գաղթից հետո՝ Ախալցխայում, Ախալքալաքում, Լենինականում մինչև XX դ. սկիզբը: Դրան զուգահեռ գործածական էր Բարձր Հայքի տղամարդկանց անդրավարտիքի երկրորդ տարբերակը, որ կոչվում էր «ծիգվա շալվար», որը շատ փոթերով լայն շալվար էր, բայց ետևի մասը կախված չէր: Երկրորդ տարբերակը պահպանվել էր Ախալցխայի շրջանի գյուղերում ընդհուպ մինչև մեր օրերը²⁸:

Տղամարդկանց տարադի առաջին խմբում կարևոր մաս էր վերնազգեստ-ջուպյան (տղամարդու ջուպյա): Ձեւվածքով, ինչպէս վերը նշեցինք, նման էր կանանց վերնազգեստ-ջուպյային, տարբերութունը դարձանքի մեջ էր: Եթե կանանց ջուպյան դարձարվում էր ոսկեթելով ասեղնագործված բուսանախշերով, ապա տղամարդկանց ջուպյայի եղբերին կարվում էր կարմիր, կապույտ կամ էլ դեղին գույնի մետաքսաթելից հյուսված տրեղ: Այդ վերնազգեստ-ջուպյան գաղթից (1829—1831 թթ.) հետո էլ հարատեւեց երկար ժամանակ նոր բնակության վայրերում: Հատուկ կենտ պահպանվեց մինչև XX դ. սկիզբը: Ախալցխայում տղամարդկանց ջուպյայի վերջին կրողը դերձակ Վարդն էր՝ 1910 թ. նրա մահով վերացավ ջուպյայի գործածութունը և փոխարինվեց այն արխալուղով, որը մինչև այդ էլ գործածական էր:

Բարձր Հայքի տղամարդկանց ջուպյան ցուրտ կլիմայական պայմանների զգեստ է և նա ինչպէս տղամարդու, այնպէս էլ կնոջ մոտ մի ամբողջութուն է կազմել, բայց այդ տեղական հանգանակն զգեստը տղամարդիկ շուտ

²⁷ Ախալցխայում XX դ. սկզբին «կախ շալվար» կարող վարպետ էր Համբարձում Համբարձումյանը:

²⁸ Ախալցխայի շրջանի Մուղրուտ գյուղում «Ծիգվա» շալվարի վերջին կրողը Վարդան Ստեփանի Դանիելյանն էր: 1962 թ. Հայաստանի պատմության պետական թանգարանի գիտարշավախմբին հանձնվեց նրա «ծիգվա շալվարը» և այսպիսով դրա գործածութունը Մուղրուտում մեղացավ:

²⁹ Կ. Բ. Դավթաբեկյան, Նյութեր Ախալցխայի հայ համայնքի պատմության վերաբերյալ, «Պատմա-բանասիրական հանդես», 1967, № 1, էջ 122:

են փոխել: Եթե չլիներ դադիբը, դուցե կարնոհայ տղամարդկանց ջուպպան և զգեստի մյուս մասերը բուն նահանգում հարատևեին: Բայց Կովկաս դադիբի-լուց հետո «Կովկասյան» տարադաձեր արագությամբ ընդօրինակվեց, մանա-վանդ որ կրողները տղամարդիկ էին: Առաջներում տղամարդկանց տարադը շուտ էր ենթարկվում ձևափոխման, քան կանանցը, որովհետև տղամարդիկ առևտրի և զանազան այլ պատճառներով շփվում էին ուրիշ քաղաքների և դա-վառների հետ և տարադով էլ շուտ ենթարկվում փոփոխության: Կանայք այդ հարցում ավելի ավանդապահ են եղել և այդ է պատճառը, որ կանանց աղդա-յին տարադը պահպանվել է ավելի երկար ժամանակ:

НАРОДНАЯ ОДЕЖДА БАРЦР-АЙКА В XIX И НАЧАЛЕ XX ВЕКОВ

Н. Х. АВАКЯН

(Р е з ю м е)

Народная одежда армян Барцр-Айка, особенно его центра Карина (Эрзерума), отличалась своей национальной самобытностью, роскошью, богатством украшений ткани, особым сочетанием красок. Покрой будничной («орзавур») и праздничной или свадебной («дснавур») одежды одинаковый, отличались они лишь вариантами вышитых украшений. Имелось по одному комплексу женской и мужской одежды. Комплекс женской одежды назывался «айкакан» или «айоц шорер». Бытовал также комплекс девичьей одежды, который в возрасте 18—20 лет заменялся новым комплексом; в нем отсутствовали некоторые детали головного убора.

Комплексы женской и мужской одежды Барцр-Айка после присоединения Восточной Армении к России распространились в районах Ахалциха, Ширака, Цалки и Джавахка, а его варианты встречались в Карсе, Багреванде, Ардагане, Ардвине, Хотрджуре. Таким образом, ареал распространения этой одежды был весьма широк.

После переселения на Кавказ у армян Барцр-Айка появляется второй комплекс мужского костюма, так называемый «кавказский». Оба комплекса одновременно бытовали в новых местах жительства переселенцев из Эрзерума до конца XIX в., а отдельные детали традиционного костюма сохранились до 10-х годов XX в. Женский традиционный костюм Барцр-Айка продолжал бытовать на территории Советской Арме-нии вплоть до 30-х годов нашего века.